

Od Marik Nu Testamen Enei Bun Ifaredif Nē Fadedya

Aa Fig

Aa fig are aa taka, in faat anī yōya nigin dan bagai.

Aa Gaula Sumeī Biya (Luk 1:9-11; Revelesen 8:3, 4)

Aa gaula sumeī biya are aa taka nē sumin aarau ado warumutei anidi bunem dinodig. Tempel bun, tamo kayau Negur bun kosē douf sain bun, aa gaula sumeī biya anī tō difedig, are sumeī meli bagai youf nigin.

Aa Hisop (Jon 19:29; Hibrū 9:19)

Aa hisop are aa taka, pris idi naan be naud bun nu difeis fen, safina bun be tamo kayau bun wiri difedig, are idi suma anī bunem Negur nē lo fiya bun fateul wō youf nigin age difedig.

Aa Oliv (Rom 11:17, 24; Jems 3:12; Revelesen 11:4)

Aa Oliv are aa taka, anī faat adodig. Juda idi aa oliv faat nem moul dinodig. Moul anī saaf yabiya nigin, bouwa bun wā fiya di, sumeī biyauf nigin ado ereb tunī musei nigineg anī kabī difenēdig. Juda idi neid ibodōya bun, oliv are safina odug bagai. Aa Oliv nē Arei are arei taka Jerusalem non ibodok, an aa oliv ifaredidig.

Aa Tetek

Rom tamo kayau neid tobonunā bun, tamo taka ereb sane bagai age fen ouf, are eig fiya, taka yukesiya be, taka fefu fiye ken, bē yaleya anī, idi ī kafī fiya bun aa tetek ilun dū di, laa foug nigin age difedig.

Idi aa masak uru aninem aa tetek dinodig, age difel fen, idi tutim tamo aa tetek bun dūdig, oo, malum ī difōdig. Age de fen, idi aa tetek dales diteg ifare di, tamo an ditornē di, ī an kuuri yef ile laa fedig. Tamo taka ī aa tetek bun eig de duk, ī darau odug bagai yalef ile fen,

Enei Bun Ifaredif Nē Fadedya Aa Wain Faat 2 Enei Bun Ifaredif Nē Fadedya

dum ï laa fedig. Are anĩ taka, mama yaleya nigin odug bagai.

Aa Wain Faat

Aa wain faat are faat taka. Anĩ bunem wain dinodig. Juda idi nedi kabier aa wain musei ditenēdig, age de fen, idi aa wain faat musei youf nigin aa wain el de lo difedig.

Abel (Matyu 23:35; Luk 11:51; Hibru 11:4, 12:24)

Abel are, ï Kain tura naal.

Abraham

Abraham ï, Israel tamo kayau neid temeid matu. Kulu bagai, Negur ï Abraham irokenen, are ï teneub mata taka ï an ibodōf nigin ifenēf yen. Age fe di, teneub anĩ dogo neid bagai youf. Abraham yogon fō gariya itor ken, ile teneub anĩ imirēf nigin Negur ï irokenen. Abraham dōf age fen. ï yar musei, gerō bagai iyok ile, ile teneub anĩ fotou fen. Teneub are gama Israel dedig anĩ.

Are Abraham bun, Negur in uyulil bar itenēya anĩ inon. Negur ï Abraham irokenen, ï ado in ibor tar anĩ, Negur nē tamo kayau bagai wowā youf, aib idi Negur dō difouf are, Negur idi kulatun fediyouf yen.

Abraham aiwa, Sara dedig anĩ yalen. Idi kesu taka yaleya san, ile ile, idi uruwom tubau bagain. Anĩ nigin, Negur memelik ino di, Sara kesu gō fen. Idi kesu yana dū Isak den.

Isak ï biya fen, ï kayau Rebeka dedig anĩ yalen. Rebeka kesu uru gō fen, are idi aina ado, idi yeneid are Esau, Jakop ado. Jakop ï yana takag Israel, ï bunem Juda idi, Israel tamo kayau yeya yana anĩ dalen.

Kesu monog uru anidi taka, Jakop ï kayau uru tura ado anĩ gei fen, idi yeneid Lea, Rahel ado, babaneg kayau uru yalen. ï kesu monog tuwelf gogū fen, idi anĩ Israel ibor tuwelf neid tubuid tar. Idi yeneid Jon nē

Enei Bun Ifaredif Nĕ Fadedya Adam 3 Enei Bun Ifaredif Nĕ Fadedya Aposel

kurō fesiya od 7:4-8 (Revelesen 7:4-8) nĕ itotoya bun gĩ fen.

Kesus monog eneidi, kesu musei adodof ile, Israel tamo kayau fulus bagai felen. Anĩ nigin, idi adok Abraham nĕ ibor tar.

Adam (Luk 3:38; Rom 5:14; 1 Korin 15:22, 45; 1 Timoti 2:13, 14; Jud 14)

Negur uyulil tamo inon, are Adam. Negur ĩ Adam kare fiyen, are teneub nem.

Adam ĩ, aiwa Eva adom, uyulil Negur nĕ ĩtāfiya difodul ken, mosor dinon. Sain anĩ bunem ilen, tamo mosor bun dilelen.

1 Korin 15:45 bun, Jesus kristus ĩ, idikeleya nĕ Adam yef, ere nigin, ĩ tamo kayau, nedi mosor bun tamal kel gei fedin. Adam im mosor inon, anim tamo kayau tunĩ ganan mosor bun dilelen. Jesus Kristus, tamo kayau dogo neid mosor bun tamal kel gei feid fen, idi ibodōya mata anĩ ifenĕdin.

Alabasta (Matyu 26:7; Mak 14:3; Luk 7:37)

Sain taka bun, kayau taka, moul sumeĩ meli bagai anĩ, Jesus ye kulo foug nigin irou isin. Moul enei, gulub taka, are meein gariya fire taka nem dinon anĩ namen ibodon. Meein age fiya anĩ alabasta dedig.

Alta

Juda idi, Negur bun sesewi fediya anĩ age difedig. Idi, sesewi fiya nigin, yaro, are sipsip, meme be, bulmakau age fediya anĩ didenkesidig. Alta are, modoũ an sesewi difedig. Meein nem anĩ dinodig.

Aposel

Jesus uyulil in dō fiya tar tuwelf igirnĕdin, are idi yogon aposel wowā douf nigin (Matyu 10:1-4; Mak 3:13-19; Luk 6:12-16).

Tamo enidi ĩ geid dibod ken, ifelnĕdin. Jesus laaf fen, kel fā yen sain bun, idi ĩ meledim dilen. ĩ, tamo kayau

bun, ereb idi dilen ado biya od wogō difediyof nigin idi susur fedin. Idi, tamo kayau Jesus nigin momoi den anidi neid uyu irouya wowā den.

Aposel nē buk bun, Pol, Banabas ado, tamo tunīg, are idig aposel dedig. Idig tamo Jesus Kristus nē kabī yaleya nigin igirnēdin. Inglis nem, tamo enidi are ‘apostles’ dedig. Od enei nē gariya are, tamo idi susur fedif anidi.

Areopagus (Aposel 17:19-22; 34)

Areopagus are, arei mudu taka nē yana Atens taun ibodon. Taun tamo kayau yeneid adodo arei mudu anī bun guru difedig. Anī nigin, tamo kayau anidi neid guru fiya anīg Areopagus dedig.

Aron (Luk 1:5; Aposel 7:40; Hibrū 5:4, 7:11, 9:4)

Aron ī, Jakop nē gere tar tuwelf atun taka Lewi nē ibor bun tamal anī taka. Tamo anī, ī pris kabī yalouf nigin uyulil igirnen, are Negur ī iron, Aron nē ibor tar anidi, Israel tamo kayau are Juda anidi atun, pris dibodōf, yen.

Aron ī, are Moses tura biya. Idi uruwom uyu kū de fen, Israel tamo kayau Isip neid ferfer difaren sain bun, kabī dalen. Idi israel tamo kayau kafī fiya bun tamal dalelnēdiyof nigin uyu diroun.

Sain taka bun, Israel tamo kayau tunī, Moses ado Aron kiwai difenēdi di, Negur ī, idi anī uyu irouya tamo bagai igirnēdin anī yaor fe ifelnēdin. Negur, idi Israel ibor tuwelf uyu irouya morou morou neid manig dale, Negur nē Salafat bun gō difouf nigin irokenēdin. Negur ī iron, tamo ī uyu irouya ibodōf nigin igirnen, are yogon manig ifaraūf, yen. Naa taka di, Aron nē manig bonu fel, ifirau kel fen, faat yun. Negur iron, sain anī bunem ilauf ganan, Aron nē manig enei are Negur nē Salafat bun bar itenēya nē bogis namen uris gen ibodōf, yen.

Asaia (Matyu 3:3; Aposel 8:30; Rom 9:27-29)

Enei Bun Ifaredif Nē Fadedya Atemis⁵Enei Bun Ifaredif Nē Fadedya Babilo

Asaia ã Negur nē propet odug taka. Kulu bagai Jesus Kristus tenebur isiya sã mog, Asaia erob musei ã bun wowã youf anĩ nigin wogõ yen.

Atemis (Aposel 19:24-35)

Atemis are kayau waitou taka yana, anĩ Asia teneub bun, tamo kayau musei, ã yana dalesedig.

Awa Uur Fateul

Awa Uur Fateul are Negur nē Uur. Awa Uur Fateul, Negur, Jesus Kristus, idi are tekelei (Matyu 28:19). Negur nē Awa Uur, tamo kayau Jesus Kristus nigin momoi def anidi bun ibodõdig. Ì kabĩ yaledig are eig fiya:

1. Ì tamo kayau momoi anĩ keleĩ youf nigin age fedig (Jon 16:13; 1 Korin 2:10-13).
2. Ì idi Jesus Kristus nigin momoi def anidi nigin, Negur kosẽ fiyẽdig (Rom 8:26).
3. Ì tamo kayau Negur nē naab keleĩ youf nigin, ulum iroukenẽdidig (Aposel 13:2; 16:6, 7).
4. Ì tamo kayau Negur nē od wogõ de fen, yogon kabĩ dalouf nigin megeir ifenẽdidig (1 Korin 2:4, 5).
5. Ì tamo kayau mugu mugu sios kabĩ dale di, sios ganan totol ifarauf nigin megeir ifenẽdidig (1 Korin sapta 12, 14)

Baali

Baali are faat taka age fiya. Are wit gen. Tamo kayau in faat anidi nem, bret dinodig, anĩ ere, baali bunem bret dinof, are to biya, are wit bunem bret dinof bagai gen sã.

Babilon

Babilon are, taun odug bagai taka anĩ yana. Kulu bagai, tamo kayau teneub anĩ bun temeleid, Israel tamo kayau geid kusĩ de fen, idim wal difedin. Idi, Israel tamo kayau musei ferfer gen, nedì teneub bun guri difeid

Enei Bun Ifaredif Nē Fadedya Bal6Enei Bun Ifaredif Nē Fadedya Bar Itenēy

diroulen, age dife di, Israel tamo kayau idi, sewenti yar an difaren (Matyu 1:11, 12, 17; Aposel 7:43).

Jon nē kurō fesiya od buk bun (Revelesen 14:8, 17:5, sapta 18) taun taka Babilon def anī nigin irok. Are fau Rom taun nē be uris nigin anī irok. 1 Pita 5:13 nē itotoya bun, Babilon are fau de be Rom taun nigin irok.

Bal (Rom 11:4)

Bal are idegēya waitou taka. Kulu bagai, Israel tamo kayau, Israel teneub bun dile dibodōya sā mog, tamo kayau teneub anī bun difaredig, Bal waitou anī yana dalesedig. Sain tunī, Israel tamo kayaug, Negur yana yaleseya ditor ken, Bal waitou yana dalesedig. Anī nigin, Negur fatuk bagai idi nigin name isedig.

Balam (2 Pita 2:15; Jud 11; Revelesen 2:14)

Balam are Negur nē profet taka. Sain taka bun, teneub taka Moab dedig anī bun, an Israel tamo kayau neid kiwai tar difaren. Nedi king are Balak dedig. Balak ī, Balam Israel tamo kayau isisnēdiyof nigin wau iron, age fe di, ī idi kusī bun wal fediyof nigin. Uruwa bun, Balam ī itoron, anī ere, ī Balak nē modoū bun ileya nigin gariya inon. Ī fau naab luwe ile mog, engel naabura ī ilauf nē bun katī fel ifaren. Donki Balam teten ibod ken, ilen anī, engel ile fen, norū fel ileya nigin itoron, malakaī, Balam ī wagī fiyeneg ileya san. Are donki Balam iroken ken, ī ou fiyen.

Balam ī, Israel tamo kayau to isisnēdin, ere nigin, ī keleī, Negur el fiya idi ifenēdin. Balam nigin, Nu Testamen nē itotoya bun irok, are ī moni nigin wau laa fen, ere nigin, Balak ī Negur nē tamo kayau neid kiwai fiyeneg, Balam ī Balak isennēf nigin yo yen (Namba sapta 22-24).

Bar Itenēya (Namba wan bar itenēya: Luk 1:72; Aposel 3:25, 7:8; Galesia 3:17; Hibru 9:1; Namba tu bar itenēya:

Enei Bun Ifaredif Nē Fadedya Bar Itenēya Nē Bogis7Enei Bun Ifaredif Nē

Matyu 26:28; Mak 14:24; Luk 22:20; Rom 11:27; 1 Korin 11:25; 2 Korin 3:6; Hibrū 7:22, 8:6-13, 9:15, 10:16, 29, 12:24, 13:20)

Bar itenēya are tamo kayau uruwo atun dinodig. Sain tamo taka ī bar itenēya inou fenē, ī tamo taka nigin, ereb taka agef kenēf anī, age afouf bagai fiyek, are abag solo fef, are tamo taka ī nigin, ereb taka age fenēf anī, age afouf bagai yedig. Negur ī yogo, yogon tamo kayau geid bar itenēya anī ino fen, yogon tamo kayau ī dō difiyēf are, ī dogo neid Temeid ado Odug ibodōf nigin, age afouf yen.

Negur bar itenēya uruwo anī inon. Bar itenēya uyulil bun, Negur ī Moses ado bar itenēya inon, agef fen, Negur iron, are idi aib aib yogon lo dirouwauf are, ī yogon tamo kayau bagai gen gei fediyouf. Anī ere, takam in lo dō feleya bagai kisin san, anī nigin, takam, Negur mala bun bar itenēya uyulil bun, madur bagai wōya kisi feleya san. Bar itenēya mata bun, Negur iron, tamo taka Jesus Kristus nigin momoi youf are, ī Negur mala bun madur bagai wō ye di, ī kel yaleyēf, are ī in lo ifodulēya be mosor to inon gen Negurem ileyēf.

Bar Itenēya Nē Bogis (Hibrū 9:4; Revelesen 11:19)

Bogis anī, aa nem dino fen, bouwa ganan gol nem degē difelen. Namen meein odudug uruwo, are teten Negur itāfiya ten itotodin anī dibodon (Hibrū 9:4, 5). Israel tamo kayau gerere tuan luwe diyok dile fen, bogis are de ado faali de dilen, age de fen, Negur nē Salafat bun dinodig. Bogis ado safina namen ifaredin, are fateul bagai, ere nigin, are bar itenēya Negur ī Israel tamo kayau geid inon anī nē uris.

Barak (Hibrū 11:32)

Barak are, Israel tamo kayau neid uyu iroukenēdiya odug taka. Ī kusī bun idi uyu iroukeneid dile fen, nedi

Enei Bun Ifaredif Nē Fadedya Bea8Enei Bun Ifaredif Nē Fadedya Dō Fiya Ta

kiwai tar wal difedin (Jas sapta 4, 5).

Bea (Revelesen 13:2)

Bea are gaar taka odug bagai, anī teneub tunī bun dubur difaredig.

Belsebul

Belsebul are uur neid yana taka anī, ibor tunī Israel tamo kayau non difaref anidim yana dalesedig. Gariya bun bagai, ī Bal-sebub deden. Ī anīg, Satan dedig, yogo anī kaa sesen neid mudur.

Benjamin (Aposel 13:21; Rom 11:1; Filipai 3:5; Revelesen 7:8)

Benjamin ī are Jakop nē kesu monog tuwelf anidi taka, ī Juda neid tubuid tar tuwelf ibor anī taka.

Dawid

Dawid ī are Israel tamo kayau neid king odug bagai. Ī in tama Jesi dedig anī ne naal ibuye. Kulu ī fau king wōya sā mog, ī ne tama nē sipsip anī lo lo fedin. Sain ī fau kesu oosi mog, guru fiya taka bun, ī tamo odug bagai taka Goliat ado kusī de fen, yukesin.

Dawid ī, Negur nigin fatuk bagai wau laa fedig. Ī, Negur yana yaleseya nigin seg musei itotodin, anī Sam dedig.

Are Dawid nē ibor bun anī Jesus ī wō yen (Rom 1:3; Revelesen 22:16). Kulu bagai, Kristus nigin anī iron, kel yaleya tamo anī Negur sur fouf, are King Dawid nē ibor bun tamal taka.

Dō Fiya Tar

Inglis od bun, dō fiya tar are ‘disciple.’ Jesus nē dō fiya tar ganan, are tamo kayau Jesus nigin momoi def, in od karī de fen, dō difedig anidi.

Aposel nē buk bun, od tunī Jesus nē dō fiya tar nigineg agef faded fef, are ‘tamo kayau Jesus nigin momoi def anidi’ oo ‘tureid tar’ dedig.

Enei Bun Ifaredif Nē Fadedya Elisa⁹Enei Bun Ifaredif Nē Fadedya Eva

Sain tunī, Matyu, Mak, Luk ado Jon nē buk bun, dō fiya tar tuwelf anidi nigin irok. Dō fiya tar tuwelf anidi, ī weim dibodōf nigin, fire bagai igirnēdin. Jesus ī, idig ne soosi tamo wowā douf nigin sur fedin, are Matyu 10:1-4 bun irok kilei.

Elisa (Luk 4:27) - Naman bun anī ulouf.

Eliya (Matyu 11:14; Mak 9:4; Rom 11:2; Jems 5:17)

Eliya ī Negur nē profet odug taka. Ī nigin, nenerī Jems 5:17 bun anī itoton.

Engel

Engel are, Negur nē soosi tamo tar, saa ilun Negur wagen difaredig. Soosi tamo enidi, are tamo bagai sā, are idi uur. Idi malam ilediya kisi feleya sā, dogom yaorediyouf dogol.

Negur ī, yogon engel yogon kabī dalekenēf nigin sur fedidig. Dogo neid kabī are, Negur nē tamo kayau lo fediya nigin (Aposel 12:6-11, 27:23; Hibrū 1:14). Sain taka taka, Negur, tamo taka bun od mata wogō youf nigin yogon engel susur fedidig.

Engel mudur ī Maikel dedig (Jud 9). Engel yana ado taka, are Gabriel (Luk 1:19, 26).

Epikurian Tamo (Aposel 17:18)

Epikurus nē dō fiya tar ado, tamo kayau foi fiya anī ‘Stoik Tamo’ dedig anidi, idi keleī adodo anī, momoi ado keleī yaleya nigin fatuk bagai kisi difedig. Idi eneidi katō fiya nigin, sain musei daledig.

Esau (Rom 9:13; Hibrū 11:20, 12:16-17)

Isak kesu uruwo gō fedin, are idi aina ado. Idi Esau ado Jakop dedig. Esau ī kesu matu, anī ere, sain taka bun, Esau ī naū fe fen, ī saaf bunem yogon kesu matu nē akor anī Jakop bun solo fen. Esau ī, are Jakop anī, yogon kesu matu nē el fiya anī yalouf nigin, saaf tar yabiya bunem solof ifenēf nigin yo yen.

Eva (2 Korin 11:3; 1 Timoti 2:13)

Eva ī Adam aiwa. Negur teneub kare fen sain anī bun, ī uyulil Adam ino fen, ī Adam ne siri tuwa taka anī yale fen, anī nem Eva ineyen. Kū fenēya bunem, Eva gogour nē sigor dō fen, are Satanem Eva idegnē di, kayau ī aa faat anī Negur to dāf nigin idi irokenēdin anī yon. Kayau ī aa faat tunīg, Adam ifenē di, ī aa faat anī yon. Idi uyulil Negur nē itāfiya anī wal difen, sain anī bunem ilen, tamo kayau mosor dinodif disin. Adam Eva ado idi keso towo, are idi Kain, Abel ado, Set.

Faat Korō Feleya Tamo (Matyu 19:12; Aposel 8:27)

Tamo faat korō felediya, idi kabī tamo odudug, king nē aruna daledig. Teneub uyu takā tunī neid tobonunā bun, idi tamo anidi faat korō difel kenēdidig.

Farao (Aposel 7:10, 13, 21; Rom 9:17; Hibu 11:24)

Farao ī Isip tamo kayau neid king odug nē yana. Nedi king odug ganan Farao dedig.

Farisia

Farisia are, Juda tamo kayau idi atun, mala odug bagai taka. Farisia idi musei lo ifelnēya kabī daledig. Idi, Negur nē lo Moses ifenen anī keleī bagai, age de fen, idi tobonunā musei ado nun idi tobol difedin anīg difelnēdidig. Idi tamo kayau tunī ganan wal fediya gen momoi de fen, dogo yeneid dalesedig. Idi sain musei mala yaleya tamo, idi namedin kisi sane ado fen, mayarē biya gen tamomoi dedig. Farisia idi, Jesus kiwai difen ken, ī dukesiyouf nigin kisi difen.

Gidion (Hibu 11:32)

Gidion ī Israel tamo kayau nē uyu irouya odug taka. Ī momoiya odug ado fen, Negur ulum iroukenēf nigin ī bun kosē yen. Ī tamo musei sā kusī bun irou leid fen, idi Negur nē isennēya bunem nedi kiwai tar wal difedin.

Gomora - Sodom bun ulouf.

Grik

Grik anĭ kantri taka. Grik nĕ taun mudur are Atens, are Korin tauneg, teneub anĭ bun ibodok.

Grik tamo kayau idi keleĭ odug bagai adodo, anĭ nigin, tenebur tamo kayau nedi kisi biya nigin anini difiyĕdidig. Tamo kayau musei Grik od anĭ wogō dedig. Jesus Kristus teneub enei bun ibod mog, tamo kayau keleĭ adodo ganan Grik od anĭ wogō dedig. Nu Testamen anĭ Grik od nem uyulil ditoton.

Hagar (Galesia 4:24, 25)

Hagar ĩ Abraham aiwa Sara nĕ fō nĕ kabĭ kayau taka anĭ. Sain anĭ bun, Sara kesu taka fau gō fiya sã mog, ĩ Hagar Abraham ado denĕf nigin irokenen, age fe di, Abraham bunem Ismael dedig anĭ wō yen. Ismael ĩ anĭ, Negur ĩ, Abraham ifenĕf nigin promis od to ifenen. Anĭ nigin, Ismael ne ibor tar, Negur ĩ ereb Abraham nĕ ibor tar ifenĕdiyof nigin promis od ifenen anĭ to dalen. Dum, Sara yogo Isak gō fen, kesu anĭ, Negurem Abraham Sara ado ifenĕdiyof nigin promis od anĭ irokenĕdin.

Sara Isak gō fel fen, ĩ Hagar monĕ fiye ken, kesu ado irudi di, diyawon. Hagar ile arei mudu Sinai dedig non ibodon. Arei mudu anĭ bun an, yar musei ilele di, dum Negur Moses iroken ken, ĩ yogon ĩtãfiya ifenen. Anĭ nigin, Galesia 4 bun irok, are Hagar ĩ ferfer kayau taka, ĩ idi tamo kayau Negur nĕ ĩtãfiya nĕ ferfer dibodok anidi neid malakanon yef. Idi ferfer, ere nigin, idi momoi def are, tamo taka Negur nĕ ĩtãfiya ganan dō fef anĭ, ĩ Negur mala bun madur bagai wō ye di, Negurem yalouf def. Idi Negur nĕ od eig fiya anĭ to momoi def, are ganan Jesus Kristus nigin momoi def anidi Negur mala bun madur bagai wō def anĭ.

Haiden

Inglis od nem ‘Gentile’ are tamo kayau ganam idi Juda sã anidi. Grik od bun anĩ nē gariya are teneub ganam bun tamo kayau difaref anidi, anĩ are, Juda sã anĩ. Juda idi amam amam yeya bagai dedig, ere nigin, Negurem idi yogon tamo kayau igirnēdin nigin, age fe di, idi teneub tunĩ ganam nē tamo kayau lalai difedidig.

Halleluya (Revelesen 19:1-6)

Sain Juda idi Negur yana dalesau fenē, idi ‘Halleluya’ de kakaĩ dedig. Od anĩ nē gariya are “Negur yana taleseg.”

Hermes (Aposel 14:12)

Hermes are, waitou taka yana anĩ Grik idi yana dalesedig. Grik tamo kayau dirōdig, ĩ waitou tunĩ ganam neid soosi tamo.

Herod

Nu Testamen bun, are tamo aiwa adodo fire fire anĩ Herod dedig:

1. King Herod ĩ anĩ, Herod Odug dedig, Jesus wõ yen sain anĩ bun, Judia distrik bun king ibodon. Im anĩ Jesus momou mog, yukesiyouf nigin age fen (Matyu 2:1-22; Luk 1:5).
2. Jesus biya od wogõya ado memelik inodin sain anĩ bun, Herod Antipas anĩ, Galili distrik nē uyu irouya ibodon. ĩ de anim anĩ Herodias yale fen, naan igunēdiya tamo Jon nē mudur gudũ fen. Jesus Pailat nē kot bun ifaren sain anĩ bun, Herod ĩ es fiyēf nigin wagen diroulen (Mak 6:14-29; Luk 23:6-12).
3. King Herod Agripa I ĩ, sios uruwa bun idi Jesus Kristus nigin momoi den anidi darau ifenēdin. ĩ, Jon nē tura Jemseg yukesin (Aposel 12:1-23).
4. King Herod Agripa II ĩ anĩ Pol nē od es fe fen, ĩ Sisa wagen es fiyēf nigin Rom sur fiyen (Aposel 25:13-26:2, 26:19, 27-32).

Enei Bun Ifaredif Nē Fadedya Hosiana 13 Enei Bun Ifaredif Nē Fadedya Isr

Hibru

'Hibru' nē gariya are 'Juda' de tekelei. Tamo kayau idi Hibru difiyēdif are idi Abraham nē ibor. Yana anī nedi tubuid tar taka bunem isin, ī anī Eber dedig. Od Juda idi dirōdig anīg, Hibru dedig.

Hosiana

Od Hosiana, are aanya anī tamo kayau, tamo be kayau be taka suma bun yana odug difenēf nigin kakaī yei yeya anī agei difedig. Anī nē gariya, are "Negur sā ī isennēf!" be, "Negur yana taleseg."

Isak (Aposel 7:8; Rom 9:7; Hibru 11:9)

Isak ī Abraham Sara ado neid kesu. In yana nē gariya are kasā. Abraham bun ulouf.

Isennēya Tamo

Jesus ī 'tenebur enei nē Isennēya Tamo' dedig, ere nigin, ī tamo kayau idi dalouf nē kafī fiya bun tamal diyawauf nigin naab anī kā fen. Jesus laaf fen, tamo kayau ganan nigin ye fen kafī fiya anī yalen, anī nigin, Negur idi ī nigin momoi def anidi ganan neid mosor nigin weder tu keledidig. Negur Jesus nigin ye fen, idi madur bagai gen iledidig.

Isip

Isip are teneub taka Israel non ibodok anī. Israel tamo kayau 400 yar Isip oun ferfer difaren (Aposel 7:34-38).

Israel

Israel yana anī, are Negurem Jakop ifenen, ī Isak in aiwa Rebeka ado neid kesu uru atun taka anī.

Israel nē ibor are yeneid tunī wogōya fire fire bunem dirōdig. Idi anī, 'Israel nē tamo kayau' dedig, dum idi 'Juda' dedig, age de feneg, idig 'Hibru' dedig. Juda bun ulouf.

Enei Bun Ifaredif Nē Fadedya Jakop14Enei Bun Ifaredif Nē Fadedya Jona

Teneub Israel tamo kayau dibodok nē an, anīg Israel dedig. Uruwa bun, teneub are Kanan dedig. Gamag teneub anī Palestin dedig.

Jakop

Jakop de tamo tekelei Israel anī. Ī ne kesu monog tuwelf anidi adon, idi anī Israel nē ibor tuwelf nē tubuid tar. Abraham bun ulouf.

Jepta (Hibru 11:32)

Jepta ĩ kusī tamo odug taka. Sain taka bun, ĩ Israel tamo kayau neid yu irouya tamo ibodon.

Jeremaia (Matyu 2:17, 16:14, 27:9)

Jeremaia ĩ Negur nē propet taka. Ī, Kristus kel yaleya tamo Negurem sur fe di, isi youf nigin promis od iron anī isiyouf sain bun, ereb musei wō youf anī nigin profet od wogō yen.

Jesi (Matyu 1:5-6; Luk 3:32; Aposel 13:22; Rom 15:12)

Jesi ĩ King Dawid ne tama, anī Jesus Kristus nē tubu. Kulu bagai, propet Asaia, Jesi ado Dawid nē ibor bun tamal Kristius wō youf anī nigin itoton.

Jesus

Jesus yana anī nē gariya, are “Kel yaleya tamo,” oo “Neda Negur anī neda Kel Yaleya Tamo”. Yeneid tunī Jesus nigin wogō dedig are: Jesus Kristus, Negur Naal, Tamo Naal, Dawid Naal.

Jona (Matyu 12:39-41, 16:4; Luk 11:29-32)

Jona ĩ Negur nē propet taka. Sain taka bun, Negur in biya od wogō youf nigin, taun taka Niniwe dedig bun an ĩ sur fiyen. Anī are, Jona modoū taka bun ileyā nigin ye fen, waag taka bun sō yen. Sain ĩ waag bun ibod mog, Negur yau uyē ado odug bagai sur fen. Tamo kayau waag anī bun difaren idi, Jona bunem yau uyē ado odug bagai wō yen anī kelein. Anī nigin, idi ĩ maaīwō diran. Gau odug takam ĩ yakalaisile di, ĩ gau te namen naa

Enei Bun Ifaredif Nē Fadedya Josef¹⁵Enei Bun Ifaredif Nē Fadedya Josua

towo ibodon, age fe di, gau ĩ, Jona teneub bun ilu iran. Anĩ bure fele di, Jona Negur nē od dōf fen, Negur nē biya od wogō youf nigin Niniwe taun ilen.

Josef

Nu Testamen bun, tamo yeneid Josef dedig tunĩ difaref.

1. Josef ĩ, Jakop nē gere tar tuwelf anidi taka, Jakop nē gere tar tuwelf anidi Israel tamo kayau neid tubuid tar. Josef ĩ anĩ Benjamin nē tura (Aposel 7:9-14; Jon 4:5; Hibru 11:21, 22; Revelesen 7:8).
2. Josef taka, are Maria ne tamo.
3. Josef taka, are Jesus nē tura tar anidi taka (Matyu 13:55; Mak 6:3).
4. Josef taka, are Jems taka, Jems tura naal dedig anĩ nē tura (Matyu 27:56; Mak 15:40, 47)
5. Josef, Arimatea tamal, are safina musei ado tamo, ĩ Juda uyu iroudiya neid kaunsel guru fiya anidi taka. ĩ tamo biya fen, Jesus Kristus dō fiyēdig (Matyu 27:57-60; Mak 15:42-46; Luk 23:50-53; Jon 19:38-42).
6. Josef Basabas ĩ (Aposel 1:23) Jesus Kristus nē dō fiya tar taka, ĩ Jesus geiden. Sain idi Judas ne modoũ fotokar, tamo taka aposel wō youf nigin digirin, idi Josef ado Matias atun aisaĩ diran. Are, Matias ĩ anĩ digirnen.
7. Barabas ĩ anĩg, Josef dedig (Aposel 4:36).

Josua (Aposel 7:45; Hibru 4:8)

Moses laa fe di, Josua im anĩ Israel tamo kayau neid uyu irouya wō yen. ĩ Kanan teneub bun idi guri feid iroulen, teneub are, Negur idi ifenēdiyof nigin promis od iron anĩ. Age de fen, idi tamo kayau an difaren anĩ kusĩ bun wawal difedin. Josua ĩ teneub anĩ foif fen, Israel nē ibor tar mugu mugu bun teneub morou morou anĩ ifenēdin, anĩ are, Lewi ne ibor idi

Enei Bun Ifaredif Nē Fadedya Juda¹⁶Enei Bun Ifaredif Nē Fadedya Kain

pris kabī dalouf nigin igirnēdin anidi dogol teneub taka morowouf nigin ifenēdiya sã. Josua ï uyu irouya odug wō ye fen, tamo kayau waud tekelei ado Negur dō difouf nigin total od irokenēdin. Ï iron, “Neu tamo kayau ado aya nigineg, amã Negur dō mafouf,” yen.

Juda (Hibru 7:14, 8:8; Revelesen 5:5, 7:5)

Juda ï Jakop ne gere tar tuwelf anidi taka. Ï Juda ibor dedig anī nē tubuid. Teneub in tubuid tar difaren are Judia dedig, teneub anī bun, taun Jerusalem dedig anī ibodok. Jesus Kristus ï Juda nē ibor bun tamal wō yen.

Juda Tamo Kayau

Tamo kayau idi Juda dedig, are Abraham nē ibor tar. Abraham bun ulouf.

Gariya bun, Juda yana nē gariya are, “tamo kayau idi Juda nē teneub bun difaref anidi,” are tamo kayau Juda nē ibor bun temeleid. Juda ibor anī Israel neid ibor tuwelf anidi taka. Anī are, dum Israel tamo kayau ganan nigin yana ‘Juda’ anī dirōdig. Israel bun ulouf.

Jon nē biya od bun, Jon yana Juda anī wogō yedig, are Juda neid uyu irouya tar nigin ye fen age fedig.

Kaa Sane

Kaa sesen anidi, are Satan nē dō fiya tar. Idi uur anidi anī, tamo morō difenēdi di, tamo kayau idi Negur nē od wal dife fen, Satan dō difouf nigin age difedig. Sain tunī, idi tamo dirounēdig, are tamo ï Satan nē kabī ado ereb sane bun ilauf bun, age difedig.

Kain (Hibru 11:4; 1 Jon 3:12; Jud 11)

Kain ï, Adam Eva ado neid kesu matu. Ï yogon tura naal are ï Abel dedig anī nigin fatuk bagai kiyei inon, ere nigin, Negur ï, Abel nē sipsip sesewi fiya anī de yen, anī ere, Kain nē saaf kabier tamal sesewi fiya are itoron. Anī nigin, ï Abel yukesin. Enei nigin, Negur ï iron, Kain

Enei Bun Ifaredif Nē Fadedya Kamel 17 Enei Bun Ifaredif Nē Fadedya Kristus

ī fau de teneub ganan bun iyokesi di, tamo kayau ganan
ī dudum difiyēf.

Kamel (Matyu 3:4, 19:24; Mak 10:25; Luk 18:25)

Kamel are gaar odug taka anī, tamo kayau teten
dibod ken, diyōdig. Ī morō odudugeg faali fedig. Sain
tunī kamel nē siwi anim kolos didi ado dinodig.

Kanan (Aposel 7:11, 13:19)

Kanan are teneub yana, anī Negur ī, Israel tamo
kayau nedi teneub ouf, anī ifenēdiyof nigin promis od
irokenēdin. Gamag, teneub anī, are Israel dedig. Sain
tunīg, are Palestin dedig.

Koban (Mak 7:11-12)

Koban dedig, tobonunā anī nē gariya taka to kelein,
anī ere, ereb nigin irok anī, Mak nē itotoya 7:11-12 bun
ibodok dogol.

Kora (Jud 11)

Kora ī, Moses ado Aron kiwai ifeneīd fen, kuī uyu
iroun. Anī nigin, Negur fatuk bagai name fen, teneub
anī bagā ye di, Kora ado idi ganan ī dō difen anidi itob
le nēdin.

Kristen (Aposel 11:26, 26:28)

Kristen nē gariya, are tamo taka ī Jesus Kristus dō fef
anī.

Kristus

Inglis od bun, Kristus anīg Mesia dedig. Od Kristus,
are Grik od nem, od Mesia, are Juda neid od nem. Od
gariya are tamo ī mudur bun moul fi difelef anī. Ere
nigin, enei are, kulu bagai, sain Negur Juda neid king
taka age fiya igrnek, idi ī moul mudur bun fi difeledig,
uris taka gen, ī king wō youf nigin. Negur yogon tamo
kayau kel gei fediyof nigin, isennēya taka sur fof
nigin age afouf yen, agef fen, tamo anī irou isiyof.

Enei Bun Ifaredif NĒ Fadedya Lewi 18 Enei Bun Ifaredif NĒ Fadedya Lot

Tamo enei, are Kristus dedig, ere nigin, tamo anĭ, Negur igrne ken bagai sur fen.

Lewi (Hibru 7:5, 9, 10; Revelesen 7:7)

Lewi ĩ Jakop ne gere tar tuwelf anidi taka, Jakop ne gere tar tuwelf anidi Israel ibor tuwelf nĕ tubuid tar. Lewi ne ibor tar, temple bun Negur nĕ kabĭ dalouf nigin igrnĕdin. Lewi ne ibor tar bun, pris anidi igrnĕdin, are Lewi ne ibor bun, Aron nĕ ibor bun temeleid pris anidi igrnĕdidig. Aron bun ulouf.

Jesus ne dō fiya tar taka ĩg Lewi dedig. ĩ yana taka are Matyu (Matyu 9:9-13; Mak 2:14; Luk 5:27-29).

Lo

Negur nĕ lo are, Buk Baibel bun buk faif uyulil ditoton bun yenek. Lo eneidi, Negur in tamo kayau nigin ye fen, anĭ Moses bun yaor fen.

Lo Ifelnĕdiya Tamo

Lo ifelnĕdiya tamo idi, lo Negur ĩ Juda idi nigin Moses ifenen anĭ tamo kayau difelnĕdidig. Idi Moses nĕ buk faif bun od ditotodin anidi bagai difelnĕdidig. Lo, Moses bun ulouf.

Lot (Luk 17:28-32; 2 Pita 2:7)

Lot ĩ Haran ne naal, Haran ĩ Abraham ne tura naal. Abraham bun ulouf. Sain Abraham teneub mata Negurem afonōf yen anĭ imirĕf nigin ilen, Lot ĩ ado dilen. Idi teneub anĭ bun dile fen, sain taka bun, Lot Sodom taun ibodōf nigin ilen. Taun anĭ nĕ tamo kayau ereb ereb sesen musei age difedig. Anĭ nigin, Negur ĩ Sodom taun daū foug nigin iron. Negur ĩ Lot taun anĭ bun tamal iyawouf nigin weder irowauf nigin in engel sur fen. Lot in ibor tar geid taun anĭ ditoron, idi ditor dilele di, Negur taun anĭ yā nem daū felen. Idi taun ditor dilel mǎ, idi dumedin to lo difoug nigin, engel Lot irokenen, anĭ ere, Lot aiwa falei yel, dumen lo fen, kaisǎ bagai,

Enei Bun Ifaredif Nĕ Fadedya Maaĩ Giriya¹⁹Enei Bun Ifaredif Nĕ Fadedya I

kayau ĩ sol nem tamo nĕ malakanon inoya anĭ gen falei felen.

Maaĩ Giriya

Maaĩ Giria are Israel ado Isip atun yenek. Moses bun ulouf.

Mana (Jon 6:31, 49; Hibru 9:4; Revelesen 2:17)

Kulu bagai, Israel tamo kayau Isip bun tamal diyalelen sain anĭ bun, idi gerere tuan yar foti diyokesin. Sain anĭ bun, Negur idi saaf ifenĕdin. Saaf enei mana dedig. Naa mugu mugu bun, saaf enei saa ilunem tenebur kuku redig, anĭ ere, Sabat naa bun sã. Age fe di, tamo kayau dile saaf enei kuru difedig. Saaf enei Eksodas 16:13-36 bun es fe faded fef.

Masted (Matyu 13:31-32, 17:20; Mak 4:31-32; Luk 13-19, 17:6)

Masted are aa taka, in faat anidi nanaal bagai. Anĭ ere, ĩ odugouf are, aa odug gen, odug bagai wõ yedig.

Melkisedek (Hibru sapta 5-7; Sam 110:4)

Ada Melkisedek nigin tutuk bagai keleĩ sã, anĭ ere, Hibru sapta 5-7 nĕ itotoya bun ereb yef anĭ dogol keleĩ. Jenesis 14:17-20 nĕ itotoya bun, sain taka bun, kiwai tamo idi disi fen, Abraham ne tura nĕ naal Lot, in ibor tar geid, nedi safina ganan ado dirouneĩd fen, lei difedin. Anĭ nigin, Abraham ile fen, kiwai tamo kusĩ bun wal feid fen, Lot ado yogon safina ganan kel gei fedin. Sain Abraham kel isi mog, Melkisedek ĩ naabur fotou fiyen. Melkisedek ĩ, bret ado wain, Abraham ifen ken, Negur ĩ bun biya age fef anĭ de age fe tobol fouf nigin kosĕ ye, el fiya ifenen. Abraham ĩ, safina ganan kusĩ bunem gei fedin anĭ nĕ ten tekelei Melkisedek ifenen, age fiya gen, dum, Israel tamo kayau nedi safina ganan bun ten tekelei anĭ pris idi age de difenĕdidig. Anĭ nigin, Buk Hibru bun, Melkisedek ĩg pris taka yef.

Enei Bun Ifaredif Nē Fadedya Mesia²⁰Enei Bun Ifaredif Nē Fadedya Moses

Dum, Negur, Israel tamo kayau neid pris anidi Lewi nē ibor bun tamal digirnēdiyof yen. Anī ere, sain Melkisedek ī, Abraham fotou fiyen, Lewi ī Abraham nē ibor, fau wōya sã mog. Anī nigin, Buk Hibru nē itotoya bun, sain Abraham in safina ganan bun, ten tekelei anī Melkisedek ifenen, are Lewi ne ibor bun temeleid pris ganan dogo neid ten tekelei anīg Melkisedek difenen gen ilyauf yen, ere nigin, dum idi Abraham bunem wō douf.

Mesia - Kristus bun ulouf.

Moses

Moses ī, Israel tamo kayau neid uyu irouya odug. Israel tamo kayau Isip nē ferfer difaren sain anī bun, Negur ī, Israel tamo kayau uyu iroukenēdi di, idi Isip bun tamal diya fen, teneub Negurem idi ifenēdin anī bun ke douf nigin, Moses igirnen. Negur naab fire bagai bun, Moses fotou fiyen. Moses, aa taka yã uu ye mog anī ilen, anī ere, uu ya san. Ī modoũ anī bun Negur ibodok ya anī kelein. Age fe di, Negur ī wogō fiye ken, ī yogon tamo kayau uyu iroukenēdi di, nedi teneub bun ke de dilauf nigin Moses igirnen anī ī irokenen.

Negur ī, Moses bunem ererb biya bagai musei age fedin. Sain taka bun, Isip tamo, Israel tamo kayau dirudidi di, idi maaī taka, Maaī Giriya dedig bun disin sain bun, Negur naan wī yef anī dē yalouf nigin age fe di, naan anī garaī taka gen ifare di, tamo kayau teneub gere keleya bun diyok dilen. Idi dibal dilele di, Isip tamog dibalauf nigin age difen, anī ere, naan baban wī ye fen, idi kerub fedin, age fe di, idi dimutatakesin.

Negur ī, yogon lo, Israel tamo kayau nigin ye fen, Moses ifenen. Sain idi gerere tuan diyō mog, naa taka bun, Moses arei Sinai dedig anī bun ibod ken, Negur bun kosē youf nigin an iselen. Negur yogo Moses bun

yaor fe fen, in itāfiya anidi ĩ irokenen. Negur itāfiya ten odug bagai anidig, meein uruwo bun itotodin, meein eneidi anī, Negur nē salafat namen modoū fateul anī bun dinodin. Moses ĩ Sinai arei bunem isi bure fel fen, ĩ itāfiya ganan itotodin. Itāfiya eneidi are Buk Baibel bun buk faif uyulil ditoton anidi, are ‘Moses ne buk’ dedig anī bun dibodok; eneidi are Jenesis, Eksodas, Levitikas, Namba ado, Diuteronomi. Lo buneg ulouf.

Mosor

Tamo taka Negur nē itāfiya anī taka be ifodulouf, are anī mosor. Are tamo nē lo fiya bun, safina naal be odugeg, anī Negur mala bun fau de mosor.

Moul Aa Bun Tamal Sumeī Biya, Mer (Myrrh) (Matyu 2:11; Mak 15:23; Jon 19:39; Revelesen 18:13)

Moul aa bun tamal sumeī biya, Mer, are safina taka, anī moni odug bagaim naa sur difedig, ĩ sumeīg meli bagai. ĩ aa taka nē gaula anī dale fen, anī dinodig. Juda idi anī nem marasin dinodig, marasin are tamo darau odug bagai to yalouf nigin, ĩ yenēya nigin age fedig. Idi laa tamo nē bouwa buru mū difouf nigin dodok difouf nigineg marasin anī kabī difenēdig.

Mulū Ileya

Juda neid tobonunā bun, idi kesu monog ganan gogū difef, are naa eit ilele di, idi bouwa gudū fiya anī age difedig. Are Negurem enei idi age difouf nigin Abraham irokenen. Jenesis 17:9-14 bun ulouf.

Mulū ileya are, tamo ĩ Juda tamo yeya anī nē uris. Juda tamo kayau nigin ‘idi mulū ileya bun temeleid’ dedig.

Sain tamo kayau biya od uyulil wogō den, Juda tunī an, idi eig den, tamo taka ĩ Juda sã anī, ĩ kristen taka wō youf nigin oro fouf are, ĩ uyulil mulū ilauf. Enei anī ĩ Juda tamo yeya anī nē uris, age fe di, dum ĩ kristen

Enei Bun Ifaredif Nē Fadedya Naan Igūya²²Enei Bun Ifaredif Nē Fadedya

taka wō youf. Pol anī to yo yen. Ī Galesia sios tamo kayau bun, pas anī nigin itotodin, ado modoū musei tunī buneg. Ī iron, tamo taka Ī isennēya yaleya nigin oro foug are, Ī safina tekelei dogol de age foug, are Ī Jesus Kristus bun momoi youf dogol.

Naan Igūya

Buk Baibel nē itotoya bun, are Jon Ī tamo kayau musei Jordan naanū naan igunēdin. Ī idi irokenēdin, are idi nedi mosor bun tamal de waud falei ye fen, naan digūwauf, anī bunem, are idi waud falei yen anī, ganam keleī youf.

Tamo kayau idi Jesus Kristus nigin momoi def anidi atun, naan igūya are, aib taka Ī kristen taka wō yef anī tamo kayau ifelnēdif nē uris.

Naan igūya nē gariya are:

- (a) Aib taka Ī naan igun, are Ī mosor inodin anī bun tamal wau falei yen.
- (b) Ī, Jesus Kristus aib aib idi Ī nigin momoi def anidi neid mosor nigin weder tu kalauf yen anī nigineg momoi yef.
- (c) Ī Jesus Kristus dō fiya nigin ado, ne od dō fiya nigin oro fedig.

Nad (Mak 14:3; Jon 12:3)

Sain taka bun, kayau taka, Jesus ye bun wā foug nigin moul irou isin. Moul enei nad bunem dinon, nad are aa spikenard dedig anī nē sumin.

Naman (Luk 4:27)

Naman Ī kusī tamo neid mudur taka nē yana, Ī Siria kantri bun tamal. Ī Juda tamo sã. Ī kusī tamo odug bagai, anī ere, Ī lepra guruma ado. Sain taka bun, Ī profet Elisa bun ile fen, Ī lepra guruma bun tamal el fiyēf nigin to fiyen. Elisa Ī Jordan naanū ile fen, Ī yogo

Enei Bun Ifaredif Nē Fadedya Negur Nē Sipsip Naal²³Enei Bun Ifaredif Nē

sain seven naan igūwauf anī irokenen. Naman dōf age fen, age fe di, ī bouwa el fe biya len.

Negur Nē Sipsip Naal

Jon 1:29, 36 bun, Jon naan igunēdiya tamo, Jesus nigin, “Negur nē sipsip naal” yedig. Juda neid tobonunā bun, idi sipsip naal taka, Negur nedi mosor weder tu kalauf nigin, sesewi fiya nigin tō dife isaikedig. Sipsip naal nē naud anim, Negur nē lo fiya bun, idi fateul inenēdig. Jesus ī Negur nē sipsip naal dedig, ere nigin, ada sã neda mosor nigin weder tu keleya anī talouf nigin, ī yogon mata sesewi fiya taka gen anī ifenen.

Negur Nē Tempel

Negur nē Tempel anī Jerusalem, Israel nē taun odug an ibodon. Modoū enei are Juda idi an dile, sifa naa odug sigigi dife fen, sesewi fediya ado ofa anidi Negur bun dinodig.

Tamo kayau Juda sã anidi tempel nē mayaī mayarē dogol diledig. Tempel namen bagai an, idi Negur nē safina fateul anidi dinodig. Yar ganan bun sain tekelei dogol, pris mudurem dogol modoū anī bun iledig. Gabar odug taka modoū fateul bagai anī nē bobog ileya bun dinolelen. Gabar enei anī, Jesus laa fen sain bun, muduronem serek fe isil ye bunen (Matyu 27:51; Mak 15:38; Luk 23:45). Enei are, sain anī bunem, tamo kayau ganan Kristus nigin momoi douf are, Negur idi ī wagen ileya nigin naab anī kã fen anī ifelnadaf.

Niniwe (Matyu 12:41; Luk 11:32)

Niniwe are taun yana, anī bun Negur profet Jona in biya od wogō youf nigin sur fen. Buk Jona bun ulouf. Negur in od are eig fiya, idi ereb sesen anidi age difedig nigin, ī idi daū fediyouf. Sain idi od enei karī den, idi maruid isi fen, waud falei yen. Anī nigin, Negur idi neid mosor nigin weder tu kel fen, idi to daū fedin.

Noa (Matyu 24:37-38; Luk 3:36, 17:26-27; Hibru 11:7; 1 Pita 3:20; 2 Pita 2:5)

Noa ī kulu bagai ibodon. Tamo nē ibor Adam bunem garia inon, ī are namba nain ibor. Sain Noa tenebur ibodon, tenebur tamo kayau ganan erēb erēb sesen musei age difedig. Anī nigin, Negur ī, kuwei odug taka sur fe di, tenebur tamo kayau ganan ado erēb erēb ganan tenebur difaref anī daū fediyouf nigin iron. Anī ere, Noa ī tamo biya, ī Negur nē od dō fedig. Anī nigin, Negur Noa waag odug taka inouf nigin irokenen, Negur ī irokenen kilei bagai, waag age inouf nigin irokenen. Negur Noa in aiwa ado gere tar towo, nedi aiweid tar weim waag namen dilauf nigin irokenen, idi weim, gar, ninā fire fire bun monog tekelei ado gober tekelei, anī ere, gar, ninā tunī bun monog sewen ado gober sewen weim waag namen dilauf nigin irokenen. Noa ī, Negur od iron anī nigin momoi ye fen, ī Negur od ī irokenen kilei bagai age fen. Noa in tamo kayau geid waag namen dilele di, Negur uyē odug sur fen, age fe di, kuwei odug ilen. Arei mudu ganane naan kerū feledin. Tenebur tamo kayau tunī ganan dimutatakesin, anī ere, Noa ado in ibor tar are kel gei fedin.

Ogō musei ilele di, naan isilelen, age fe di, teneub baban sagau kelen. Anī nigin, Noa in tamo kayau geid waag bun tamal kututū desin. Age dife fen, Noa Negur bun sesewi fe fen, ī yana yalesen, ere nigin, Negur idi isennēdin nigin. Negur baban kuwei taka age fiya, ī age fe di, to wō youf nigin promis od iron. Ī walol are yogon promis od nē uris ye fen, promise od eig fiya wogō yen, are sain enei bunem ilauf ganan bun, an naa, bō, uyē saniya, gaa saniya, ifaya nē sain ado kusu fiya nē sain anidi ibodōf yen.

Paradis (Luk 23:43; 2 Korin 12:3; Revelesen 2:7)

Enei Bun Ifaredif Nĕ Fadedya Pasa25Enei Bun Ifaredif Nĕ Fadedya Profet

Paradis nĕ gariya are ‘kabĭ meli bagai.’ Modoũ meli bagai Iden, are gariya bun Negur Adam ado Eva an inenĕdin anĭ nigin Paradis dedig. Anĭ ere, Nu Testamen bun, Paradis nĕ gariya, are saa tano nĕ gariya de tekelei, are modoũ meli bagai an tamo kayau Jesus Kristus nigin momoi den anidi, dum idi gare douf bun, dilauf.

Pasa - Sifa Naa bun ulouf.

Pentikos – Sifa Naa bun ulouf.

Pris

Pris idi Israel tamo kayau nigin de fen, Negur bun sesewi fiya difenĕdiyof nigin Negurem igirnĕdin anidi. Jesus nĕ sain bun, idi Jerusalem Tempel bun sesewi fiya difenĕdidig. Pris idi Aron nĕ ibor bun digirnĕdidig (Aron bun ulouf), are Lewi nĕ ibor tar atun Aron nĕ ibor bun temeleid. (Lewi bun ulouf).

Pris mudur ĩ, pris idi atun odug bagai. Pris mudur ĩ, yar tekelei nĕ dogol ibodōf nigin digirnĕdidig, age de fen, anĭ baban pris taka digirnĕdidig. Pris mudur im dogol Tempel nĕ modoũ fateul bagai namen iledig, are yogon mosor ado tamo kayau neid mosor yaleleya nigin Negur bun sesewi fiya ifenĕf nigin age fedig.

Pris atun pris odug dedig anidig dibodon. Pris odug idi are, pris mudur, pris ganan kulu pris mudur dibodon anidi ado, tamo yeneid adodo pris nĕ ibor bun temeleid anidi.

Profet

Profet are tamo taka ĩ, od Negur ĩ bun yaor fe irokenen anĭ wogō yedig. ĩ Negur nigin ye fen, od tamo kayau bun wogō yedig.

Uruwa bun, Negur profet musei sur fedidin, are Samuel, Asaia ado Jeremaia age fediya. Idi bunem, Negur dum bun ereb wō youf anĭ nigineg yaor fen. Yar musei Jesus Kristus fau wōya sã mog, idi in isiya nigin,

Enei Bun Ifaredif Nē Fadedya Rabi²⁶Enei Bun Ifaredif Nē Fadedya Rebeka

ereb ereb musei ī age fediyouf nigin ado, ereb ī bun wō youf anī nigin diron. Idi, Jesus Kristus tenebur tamo kayau es fediyouf nigin, fau baban kel isiya sā mog, ereb ereb musei teneub enei nē idikeleya naa bun wowā youf nigineg diron.

Rabi

Rabi are yana Juda idi tise odug bagai be idi atun uyu iroya anī bun difenēdig. Tamo aib ī kisi biya ado fen, yana adouf are, ī Rabi difiyēdig. Rabi yana taka are Raboni, anī nē gariya Rabi de tekelei.

Rahab (Hibru 11:31; Jems 2:25)

Kulu bagai, sain Israel tamo kayau, teneub Negur idi afenēdiyof yen anī bun dilauf nigin age difen, idi, tamo kayau teneub anī bun difaren anidi dile fen, naig de idi wal difediyof nigin kisi dalouf nigin kofo tamo sur difedin. Rahab naabur kayau taka bouwa na sur fedig, ī teneub anī bun ibodōdig. Sain Israel kofo tamo an disin, kayau ī, idi isenneīd fen, idi inokolnēdin, ere nigin, kayau ī, Israel tamo kayau teneub de anī dalouf anī Negur nē oroya ye fen, momoi yen. Anī nigin, sain Israel tamo kayau teneub anī nē tamo kayau wal difedin, idi Rahab to dukesin, anī ere, idi, taun anī bun tamo kayau tunī ganān didenkesin. Kayau Matyu 1:5 bun irok anī, kayau de tekelei be, are ī de Jesus nē tubuid tar taka.

Rahel (Matyu 2:18)

Rahel ī, Jakop ne kayau tar anidi taka, ī nigin Jakop wau fatuk bagai laa fedig. Rahel ī Josef ado Benjamin ado sineid, are Juda tamo kayau neid sineid tar ganān anī im ifaref.

Rebeka (Rom 9:10-13)

Abraham ne naal Isak ne kayau anī Rebeka. Ī, Esau ado Jakop, idi urom aina anidi neid sineid. Esau uyulil

wō yen, anī ere, Jakop im anī Negurem ī uyulil wō youf nigin igirnen, age fe di, ī bunem Juda idi ibor wowā den. Esau ado Jakop bun ulouf.

Rom

Rom are kantri Itali dedig anī nē taun odug. Jesus tenebur ibodon sain anī bun, Rom nē tamo kayau teneub tunī musei kusī bunem lei difen. Idi Israel anig wawal difeid fen, Israel tamo kayau anī ulum dirounēdin. Anī nigin, Israel tamo kayau, Rom idi to oroid fen, nedi teneub bun idi dalelnēdiyof nigin waud yenen. Rom nē king, are Sisa dedig ī, sain anī bun, teneub ganan atun king odug bagai ibodon.

Sabat Naa

Sabat naa are naa odug bagai. Jenesis nē Buk bun ditoton are eig yef, Negur naa sigis anidi bun teneub kare fen, agef fen, naa sewen bun ī si inon, ere nigin, in kabī are bure felen. Negur iron, tamo kayau de naa sigis anidi bun dogol kabī dalouf, age de fen, naa sewen bun idi de si dino fen, Negur yana dalesauf.

Juda idi Sabat naa nigin lo musei adon. Idi dirōdig, tamo kayau de naa anī bun ereb kabī taka to dalouf, age de fen, tamo kayau lo anī difodulouf are, idi fatuk bagai namedidig. Age fiya nigin, sain Jesus Sabat naa bun tamo taka dagi ado el fiyen ado, sain Jesus nē dō fiya tar Sabat naa bun kurukeys dāf nigin nonū difedin, idi anī nigin waud sanen. Idi diron, are idi kabī dalef den.

Sadusia

Sadusia are Juda idi atun yeneid adodo neid mala taka. Idi kisi difedig, are tamo kayau, lo Negur Moses ifenen anī ado Juda neid tobonunā tunī ganan, tutuk bagai dō difouf dedig. Idi Juda tamo neid mala taka Farisia gen (Faria bun ulouf). Anī ere, idi sain musei Farisia tamo geid luwa diroudig, ere nigin, Farisia idi

Enei Bun Ifaredif Nĕ Fadedya Saion²⁸Enei Bun Ifaredif Nĕ Fadedya Sama

momoi def are, tamo taka ĩ laaf fen, baban mata kel fã youf def, anĭ ere, Sadusia enei to momoi dedig.

Saion (Matyu 21:5; Jon 12:15; Rom 9:33, 11:26; 1 Pita 2:6)

Saion are arei mudu taka anĭ bun Jerusalem taun anĭ dinon anĭ nĕ yana. Tempel anĭ arei mudu anĭ bun ifaren, are modoũ anĭ, taun ganan nĕ fateul bagai. Sain tunĭ, Saion yana are Jerusalem ganan nigin anĭ dirõdig. Sain tunĭ, Saion yana Jerusalem ilun ibodok anĭ nigin dirõdig, are saa tano yogo anĭ. Are modoũ anĭ, Negur ibodok nĕ an anĭ nĕ uris. (Hibru 12:22, Revelesen 14:1)

Salafat

Kulu bagai, Israel tamo kayau gerere tuan diyon sain anĭ bun, Negur Moses salafat fire bagai taka inouf nigin irokenen. ĩ salafat anĭ, gabar biya ado gaar gabar bunem naig fiya inouf nigin ĩ de tutuk bagai ĩ irokenen. Are an idi bar itenĕya nĕ bokis, meein uruwo Negur anidi bun ĩtãfiya ten itotodin ado, Negur nĕ safina tunĭ salafat anĭ namen dibodok.

Juda idi salafat enei bun Negur yana dalesedig, age dife fen, idi Negur bun an sesewi fediya difenĕdidig, are age ifaref ile Solomon Tempel inon sain anĭ bunen.

Salfa (Revelesen 9:17)

Salfa are safina bailuya taka anĭ, yã bale ado el fe uu ye fen, sumeĩ total ado. Anĭ bunem, gan nĕ pauda dinodig.

Sam

Buk Psalm are Negur bun yana yaleseya seg nĕ buk. Dawid tamo kayau tunĭ geid seg eneidi ditoton, are idi naig de fen, Negur nigin waud laaf fen, ĩ bun yana dalesef anĭ dirõf nign.

Samaria

Samaria are teneub akor taka nĕ yana. Samaria tamo kayau idi Juda tamo kayau bagai sã, ere nigin, kulu

Enei Bun Ifaredif Nē Fadedya Samson²⁹Enei Bun Ifaredif Nē Fadedya Sifa

bagai, idi kayau Juda sã anidi lei difedin. Anĩ nigin, Juda magari anidim idi lai difedidig.

Samson (Hibru 11:32)

Kulu magari, Samson ĩ Juda neid uyu iroudiya taka ibodon. Negurem ĩ bouwa buru nē total odug anĩ ifenen.

Samuel (Aposel 3:24, 13:20; Hibru 11:32)

Samuel ĩ profet odug taka. Im anĩ, Dawid Israel neid king ibodōf nigin moul mudur bun fi felen. ĩ anĩ tamo kayau neid uyu irouya odug taka.

Sara (Rom 4:19, 9:9)

Sara ĩ Abraham ne kayau. Kayau ĩ yar musei dalin, anĩ ere, sain ĩ tubau magari mog, ĩ Isak gō fen. Abraham bun ulouf.

Satan

Satan ĩ kaa sesen neid uyu irouya. ĩ Negur nē kiwai, ĩ tamo kayau idegnēdi di, idi sane age difouf nigin age fedig. ĩ tamo kayau Jesus Kristus nigin momoi def anidi, idi kulu ereb sane age difen anĩ nigin toku wedereid fokō fenēdi di, idi nedi mosor nigin Negur weder to tu kelen gen kisi difouf nigineg age fedig. Satan ĩ anig 'Devil' oo 'tenebur enei nē king' dedig.

Sifa Naa

Sifa naa are naa tunĩ odudug anĩ bun, Juda idi yar ganan bun sigigi difedidig. Sifa naa enidi bun, idi Negur nē biya fiya ado kulu Negur idi nigin ereb age fedin anĩ nigin kisi difedidig. Sifa naa nē yana tunĩ are eig fiya:

Tempel Mata Negur Ifenēya Nē Sifa Naa (Jon 10:22)

Sifa naa enei bun, Juda idi, kulu magari, tamo taka Judas Makabius dedig ĩ, Negur nē Tempel haiden idi amuyē dinon anĩ amuyē sã ino fen, tamo kayau an Negur yana dalesauf nigin Tempel dodok fen anĩ karĩ deledig. ĩ enei age fen, ere nigin, urug tamo idi

Enei Bun Ifaredif Nē Fadedya Pentikos Nē Sifa Naa³⁰Enei Bun Ifaredif Nē

ado kiwai tamo anidim, Tempel bun dile fen, amuyē dinodin.

Juda idi sifa naa enei niginē age de dirōdig, ‘Lalan nē Sifa Naa’. Age fiya nigin, sain anī bun, Jesus iron, “Aya teneub enei nē Lalan.” (Jon 9:5)

Pasa Nē Sifa Naa (Matyu 26:2, 5, 17-19)

Pasa nē sifa naa dedig are Juda idi nigin, sifa naa odug bagai. ‘Pasa’ yana nē garia, are wawal fiya. Sifa naa enei bun, Juda idi, kulu bagai, Isip nē kafī fiya teneub bun tamal, naig de diyalelen anī karī deledig. Sain anī bun, Negur, Isip neid fō mugu mugu bun kesu monog matu idenkesidiyouf nigin in engel sur fen. Anī are, ī Juda neid fō mugu mugu bun idi sipsip naal taka dukeis fen, sipsip naal nē naud anī sukar nē tor bun ororo difediyouf nigin irokenēdin. Age dife di, sain engel naud anī ile fen, ī fō anī wal fen, agef fen, an kesu taka to yukesin.

Anī nigin, Pasa nē sifa naa bun, Juda idi, fō mugu mugu bun, sipsip naal taka dukeis fen, weim sipsip naal dō don.

Bret Yis Sā Nē Sifa Naa

Bret yis sā nē sifa naa are, Pasa nē sifa naa de anī bun, Juda idi sigigi difedig. Sain Juda idi Isip teneub bun tamal diya dilelen, idi tari fiya nigin sain taka sak ile, idi bret fau to gē ye mog anī yā bun dinodig. Anī nigin, sifa naa enei bun, Juda idi, bret yis sā anī dō don.

Salafat Nē Sifa Naa (Jon 7:2-52)

Sifa naa enei bun, Juda idi kulī dedig, ere nigin, saaf kusu fiya anī mogo kisi felen. Idi salafat dinoid fen, uub tekelei sifa naa nigin an difaredig, age fe di, idi naab anī bun, nedi tubuid tar Negur idi teneub afenēdiyouf yen anī fau yaleya sā mog, idi gerere tuan 40 yar diyo ken, salafat bun dibodon anī karī deledig.

Enei Bun Ifaredif Nē Fadedya Sinai31Enei Bun Ifaredif Nē Fadedya Sipsip

Pentikos Nē Sifa Naa (Aposel 2:1, 20:16; 1 Korin 16:8)

Pentikos nē sifa naa anīg are Juda idi nigin sifa naa odug bagai. 'Pentikos' yana nē garia are fifti. Juda idi, Pasa naa wō ye naa fifti ilele di, sifa naa enei sigigi difedig.

Pentikos nē sifa naa bun, Juda idi wit kususu fiya nigin sigigi difedig. Juda idi, kulu bagai, Negur Sinai arei bun Juda idi nigin Lo anī Moses ifenen nigineg karī deledig. Gama, Pentikos are Kristen tamo kayau, naa enei bun Awa Uur Fateul uyulil tamo kayau Jesus Kristus bun momoi den anidi bun isin anī nigin karī deledig. (Aposel 2:1-4)

Sinai

Sinai are arei mudu taka nē yana, an Moses ibodon sain, Negur in itāfiya ī ifenen. Moses bun ulouf.

Sinamon (Revelesen 18:13)

Sinamon, are aa taka nem dinodig. Ī sumeī meli bagai fen, ī na yaleya nigin moni odug bagai. Tamo kayau moul sumeī meli bagai youf nigin, anī moul ado falei difedig, moul anī, tamo kayau mudureid bun fi difelediyouf nigin age difedig, are sain tunī tamo laa fen anī bouwa buneg inoya nigin age difedig.

Sipsip

Baibel nē sain bun, Juda idi sipsip kulatun fiya nē suma age difedig are eig fiya:

1. Sain anī bun, tamo tekelei sipsip musei kulatun fedig. Idi taun bun to difar genēdig, anī ere, tamo kayaum dubur idi guri difeid dirouledig, are modoū fisir musei biya ifaredif nē an sipsip idi dāf nigin dinenēdidig.
2. Tamo tunī sipsip idi kulatun fediya nigin dub anī bun sipsip geid weim difaredig. Tamo eneidi, sipsip nigin keleī bagai. Idi sipsip mugu mugu keleīdig.

3. Tamo sipsip kulatun fef, are de modoū taka ganan kau ifokeleya ado anī dodok fedig. Bō sain, idi sipsip ulum dirou fen, an dinenēdig, anī bunem, ereb takam idi to daū fediyouf. Tamo sipsip kulatun fedif, ī de an garaī bobog bun yenēdig. Sain tunī, bē tamo taka, sipsip taka bē yalouf nigin kau gar yeis kutū yesiya nigin age fedig.
4. Juda idi, Negur bun sipsip sesewi fiya anī difnēdig. Negur nē sipsip naal bun ulouf.

Sisa

Sisa ī, are Rom tamo kayau neid king nē yana. Rom tamo kayau teneub ganan kusī bunem wawal difeid fen, uyu diroun. Sisa ī, idi ganan anī nē odug. Rom tamo kayau neid king ilun difaref ganan anī, are Sisa dedig.

Sodom (Matyu 10:15, 11:23-24; Luk 17:29; Revelesen 11:8)

Sodom are taun taka Lot ibo ibodon anī nē yana (Lot bun ulouf). Taun taka Gomora dedig anī Sodom taun non ifaren. Sodom ado Gomora taun neid tamo kayau idi ereb sesen musei age difen. Anī nigin, Negur, taun anidi, yā nem daū feledin.

Solomon (Matyu 1:6-7, 6:29, 12:42; Luk 11:31, 12:27; Aposel 7:47)

Solomon ī Dawid ne naal. Ī Israel tamo kayau neid king odug taka.

Sain taka bun, Negur imīya bun, Solomon bun isi fen, ere safina ege luwa anī ī ifenēf anī orof anī to fiyen. Solomon ī, in tamo kayau sā el fe ulum iroukenēdiyof nigin Negur kisi biya ī ifenēf nigin ī irokenen. Negur kisi biya odug Solomon ifenen, ī king ganan anidi bun kisi biya bagai anī wō yen. Negur Solomon safina odug musei bagaig anī ifenen, momoi, ī safina musei anī kisi feleya bagai.

Solomon im anī uyulil Negur nē Tempel inon. Tempel anim Negur nē salafat uruwa bun Juda idi Negur yana dalesedig anī nē modoū yalen. Tempel anī gai meli bagai.

Stoik Tamo Epikurian tamo bun ulouf

Sus (Aposel 14:12)

Sus are waitou odug Grik idi yana dalesedig anī nē yana. Sain tunī, tamo kayau ī anī Jupita dedig. In soosi tamo are Hermes dedig.

Tamo Naal

Kulu bagai, kel yaleya tamo anī Negurem yogon tamo kayau nedi mosor bun tamal kel gei fediyouf nigin sur fouf yen anī, profet taka Daniel dedig anī kel yaleya tamo anī nē yana agef irōdig. Anī nē gariya are Kristus de tekelei (Kristus bun ulouf). Jesus yogo nigin yana eneī agef irōdig. Sain Jesus yogo nigin aya Tamo Naal yef, are ī anī tamo taka Negurem sur fiyen ado, ī anī Negur bun tamal megeir yalen anī yef. Ī tamo bagai, are ī anīg Negur.

Wau Faleiya

Wau faleiya nē gariya bagai are:

1. Tamo taka ī sane age fen anī ilouf;
2. Ī irok, ī ereb sesen age fedig anī itor ken, ereb Negur orof anī age fouf;
3. Ī ereb sesen ī age fedig anī nē mosor nigin weder tu kalauf nigin Negur irokenek.

Yis (Matyu 13:33, 16:6, 12; 1 Korin 5:6-8; Galesia 5:9)

Yis are safina bret inoya nigin kabī difenēdig. Safina anim, bret gē youf nigin age fedig. Yis naalem dogol bret odug biya musei inoya nigin kabī difenēdig.

Mata Ifenēya Nē Od
The New Testament in the Marik Language of Papua New Guinea
Nupela Testamen long tokples Marik

copyright © 2011 Wycliffe Bible Translators, Inc.

Language: Marik

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 0868934534

The New Testament

in Marik

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-07-22

PDF generated using Haiola and XeLaTeX on 19 Oct 2021 from source files dated 20 May 2021

d7099f9d-3bdf-5620-8eb3-7e6c51cab7ea